



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. I. Quid sit moralitas actuum humanorum, quidve addat suprà libertatem?

---

[urn:nbn:de:hbz:466:1-77355](#)

Cæterum, licet forsitan hæc Tractatio plures difficultate suâ deterrere soleat, unum tamen habet, quo cæteris pene omnibus anteponendam cœlio: vix enim alteram Theologiae partem reperies, quæ cum ista utilitate jure contendat. Hæc una virtus extinguit, virtutes inferit, feros animi motus mitigat, mores componit, & affectus omnes ita temperat, ut merito à Platone musica magna dici potuerit, non quæ fidium pulsū aures corporis, quas sapiens filias carminis vocat, ad vacuam voluptatem demulcat, sed quæ partium animæ concordia, ac virtutum harmonia, sua vissimum & maxime oprandum animæ concentum edat. Quid enim me doces (inquit Seneca) quomodo inter se acutæ & graves voces consonant, quomodo nervorum disparem redditum sonum fiat concordia? fac potius quod animus meus secum consonet, ne consilia mea discrepent. O egregiam artem! Scis rotunda metiri, in quadratum redigis quamcumque acceperis formam, nihil est quod in mensuram tuam non cadat: si artifex es, si geometra, metire animum, dic quām magnus, quām pusillus sit. Scis quæ recta sit linea; quid tibi prodest, si quid in vita rectum sit ignoras? Denique moralis scientia, omnium bonarum artium mater, quos erudit ditat, quos docet nobilitat, quos instruit ornat; unde à Platone scientia optimi merito nuncupatur.

*Epist. 88.* Lib. 3. Transeamus ergo (inquit Lactantius) ad eam Philosophiæ (dicamus nos insti<sup>t</sup>u<sup>t</sup> Theologiae) partem, quam moralem vocant, in qua totius Philosophiæ ratio cap. 7. continentur, siquidem in illa qua Physica dicitur, sola oblectatio est, in hac etiam utilitas. Et quoniam in disponendo vitæ statu, formandisque moribus, periculo majori peccatur, majorem diligentiam necesse est adhiberi, ut sciamus quomodo nos oporteat vivere. Illic enim potest venia concedi, quia sive aliquid dicunt, nihil prosunt; sive delirant, nihil nocent: hic verò nullus dissidio, nullus errori locus, omnes unum sentire oportet, ipsamque Philosophiam, uno quasi ore præcipere, quia si quid fuerit erratum, vita omnis evertitur.

## DISPUTATIO I.

### De Moralitate in communi

**L**IET præcipiuus scopus hujus Tractatus sit explicare bonitatem & malitiam moralis actuum humanorum, & ab illis D. Thomas exordium sumperferit: quia tamen notitia gradus generici non parum juvat, ut species sub illo contentæ perfectè dignoscantur, hanc disputationem veluti proemiale, & viam ad reliquas præsentis tractatus difficultates appetientem præmittimus.

#### ARTICVLVS PRIMVS.

*Quid sit Moralitas actuum humanorum, quidve addat saprà libertatem?*

S. I.

*Referuntur sententia, & vera eligitur.*

**E**T si moralitatis existentia notissima sit, abstrusissima tamen & obscurissima est illius

A natura: unde in ejus explicatione Doctores ita inter se divisi sunt, ut ferè tot sint sententiae, quot capita. Quidam illam cum libertate confundunt, existimantes actus humanos dici morales ex eo præcisè, quod à libera voluntate cum perfecta rationis deliberatione procedant. Alij dicunt moralitatem esse denominationem extrinsecam, à lege, libertate, aut alia forma extrinseca petitam. Alij docent, illam sitam esse in ordine sive relatione actuum humanorum ad suam regulam. Et est adhuc circa hujusmodi relationem inter Theologos pugna: nam aliqui centent esse tantum relationem rationis cum fundamento in re: alijs è contra assertunt esse relationem realem: & ex his quidam volunt eam esse prædicamentalem, alijs transcendentalē. Quibus præmissis, pro resolutione difficultatis

B Dico primum, libertatem esse quidem fundamentum moralitatis actuum humanorum, non tamen ipsam moralitatem formaliter.

Prima pars est certa: quia actus humani habent à libertate quod possint subjici regulis morum, & ab eis dirigi & mensurari; unde actus omnino necessarij, & ad unum determinati, non sunt capaces talis directionis; frustra enim adhiberetur lex ei, quod est ex se, & natura sua determinatum ad unum, & alter se habere non potest: Ergo libertas in actibus humanis est fundamentum moralitatis, & ibi incipit genus moris, ubi primo dominium voluntans inventur.

*nitur*, inquit S. Doctor in 2. dist. 2. qu. 3. art. 2. De quo plura diximus tractatu p̄r̄cedenti.

*Secunda* verò pars, quid scilicet libertas non sit formaliter ipsa moralitas, multipliciter ostenditur. Primo quia libertas pertinet ad ordinem physicum, est enim proprius modus agendi creaturæ rationalis, per quem in genere physico operandi ab irrationalibus distinguuntur. Secundo, quia prius intelligitur libertas in actionibus humanis, quam moralitas: prius liquide concipimus, intellectu proponente aliquod objectum cum indifferentia, voluntatem in illud cum indifferentia tendere (in quo formaliter consistit libertas) quam habere esse morale in suo actu; imo ex eo tanquam à ratione à priori habet esse morale in suo actu, quod tenet in objectum cum indifferentia, ex eo enim actus est mensurabilis per regulas morum. Tertio, Si nulla esset regula morum, putà nulla lex, adhuc posita indifferenti judicij in intellectu, intelligeretur libertas in actibus voluntatis, & tamen in tali casu nulla esset in eis moralitas: Ergo moralitas non est formaliter ipsa libertas.

Dico secundò, moralitatem non consistere in extrinseca denominatione.

Probatur primò ex D. Thoma h̄c art. 4. ad 2. ubi loquens de moralitate quam actus habent ex fine, expressè dicit quod inhaeret actioni, quamvis finis à quo sumitur, sit extrinsecus: At denominatio extrinseca non inhaeret subiecto, nec intrinsecè illud afficit, sed solum extrinsecè denominat, ut esse visum in parte: Ergo juxta D. Thomam, moralitas actuuum humorum in extrinseca denominatione non consistit.

Probatur secundò: Voluntas, ratio, lex, & objectum, dicuntur moralia, per ordinem & attributionem ad actum moralem: Ergo id quod constituit moralitatem, intrinsecè est in actu morali, non in potentia, lege, vel objecto. Consequentia patet: quia analoga attributionis dicuntur per ordinem ad illud, in quo principaliter & intrinsecè est ratio seu forma per nomen significata; v. g. medicina, urina, & dieta, dicuntur sana per ordinem ad sanitatem, que formaliter & intrinsecè est in animali. Antecedens verò probatur: Potentia dicitur moralis, quia causat actum moralem; lex, quia ipsum dirigit; objectum, quia terminat; finis, qui mouet; circumstantia, quia afficiunt: Ergo omnia hac dicuntur moralia, per ordinem & attributionem ad actum moralem.

Confirmatur: Forma à qua actus humanus immediate denominatur moralis, debet esse intrinsecè in aliquo subiecto: Sed hoc non potest esse aliud quam actus voluntatis: Ergo esse morale in hujusmodi actu, non est denominatio solum extrinseca. Major patet, Minor probatur. Forma illa, cùm sit ipsa actualis & formalis moralitas, debet subiectum in quo est constitutre actu & formaliter morale; sicut quilibet forma actualis confert suo subiecto actualem denominationem: Solus autem actus voluntatis est capax praedictæ denominationis, sicut solus ipse est actu formaliter in genere moris, & actu formaliter bonus vel malus: Ergo &c.

Nec valet, si dicas cum Suarez, formam dampnem illam denominationem esse libertatem, suamque primariam & intrinsecam denominare.

*Tom. III.*

A tionem, quæ est denominatio liberi, conferre voluntati in qua est, & deinde extrinsecè denominare moralem, actum qui à voluntate elicetur. Non valet, inquam, Tum quia libertas neque est ipsa moralitas, neque forma moralis, sed pertinet ad ordinem physicum, ut iam ostendimus; denominatio autem moralis, à forma moralis sumi debet: Tum etiam quia libertas in actibus à voluntate elicitus, non est extrinseca denominatio, proveniens à potentia, ut supponit Suarez, sed est quidam modus vitalitatis in illis existens, & à potentia libera & vitali, nempe voluntate, participatus, ut egregie ac eruditè probant Salmanticenses, & patet ex eo quod aliter constituenda sit libertas in actibus elicitis immaterialibus, qui sunt quasi per essentiam liberi, ac imperatis transmutantibus, qui ab eis liberi denominantur, adeoque cùm in istis sit extrinseca, in illis poni debet intrinseca.

Dico tertio: Moralitas actuum humanorum sita est in relatione actus liberi ad regulam suam, in relatione, inquam, non rationis, sed reali, non prædicamentali quidem, sed solum transcendentali.

Conclusio tres habet partes, qua sigillatim probanda sunt. Prima facilè suadetur: Tum quia ratio moralitatis in actibus humanis pertinet ad genus mensurabilis & regulabilis per regulas morum: mensurabile autem, ut tale dicit, ordinem ad mensuram: Tum etiam quia de moralibus codem proportionali modo debemus philosophari, sicut de artificialibus: Sed in artificialibus tota formalis ratio artefacti sumitur ex ordine ad ideam & regulas artis, quae sunt in mente artificis: Ergo & in moralibus tota formalis ratio moralitatis debet sumi ex ordine, seu relatione quam actus humani dicunt ad suam regulam, seu mensuram.

Secunda pars, quæ asserit talēm relationem non esse rationis, sed reali, videtur etiam manifesta, quiequid in contrarium dicat Vazquez h̄c disp. 73. cap. 7. Primo quia moralitas convenit actibus humanis independenter ab omni fictione intellectus: nam revera & à parte rei actus humani sunt moraliter boni, aut mali, meritorij vel demeritorij, & laude aut vituperio digni. Secundo, quia fieri entis rationis est cognosci, non autem fieri moralitatis; alias qui cognosceret peccatum, faceret: quod est ridiculum. Tertio: Ordo gratia, status gloriae, unio hypothistica, in ordine morali fundantur: quis verò credat pretiosissimam hanc molem, vilissimi entis rationis inniti fundamento? Nec minus à ratione dissonum videtur, quod Deus enti rationis inimicorum gloriam pondus, vel aeternos gehennæ statuerit cruciatum: Ergo relatio quæ actuuum humanorum esse morale constituit, non rationis, sed verè realis est; cùm sit tot tantorumque bonorum aut malorum origo.

Tertia denique pars, quod nimurum h̄c relatio non sit prædicamentalis, sed solum transcendentalis, probatur: Moralitas est genus ad contraria, scilicet bonum & malum morale: Sed relatio non est genus ad contraria, nec in ejus prædicamento est directa contrarietas, ut ex Aristotele cap. de relatione docent communiter Dialectici: Ergo &c.

Præterea relatio prædicamentalis, ex proprio conceptu, sive generico, sive specifico, non ex-

*Tract. 10.*  
*Disp. 1.*  
*Dubio 5.*

91

10:

*Dd*

## DISPUTATIO PRIMA

*Disp. 3.* *ars. 5.* primit perfectionem aut imperfectionem, convenientiam aut disconvenientiam, bonitatem vel malitiam, sed est purus respectus ad terminum sub ratione termini; quod adeo verum est, ut nequidem divinae relationes, ex vi formalissimi conceptus ad perfectionem exprimant, ut in tractatu de Trinitate fusè ostendimus: At qui species moralitatis, quæ sunt bonitas & malitia, formalissime exprimunt, illa perfectionem & convenientiam, hæc verò disconvenientiam & imperfectionem: Ergo neque eam species, neque earum genus possunt per relationem prædicamentalem constitui. Addo quod sèpè existit moralitas, absque eo quod objectum morale, quod est ejus terminus, à parte rei existat; ut cum quis appetit bonum vel malum possibile: Sed sine existentia termini non datur relatio prædicamentalis: Ergo relatio quæ actum humanorum esse morale constituit, non est prædicamentalis, sed solum transcedentalis.

## S. II.

## Solvuntur objectiones.

**C**ONTRA primam conclusionem objici possunt primò varia D. Thomæ testimonia, quibus hic qu. 18. & sequentibus, sèpè assertū voluntatis esse moralem, inquantum est liber. Sed facile respondetur, haec debere intelligi in sensu causali, non verò formaliter, quia libertas est radix & fundamentum moralitatis, ut in prima parte conclusionis diximus: sicut quia rationalitas est radix risibilitatis, & albedo in pariete fundamentum relationis similitudinis, dicimus hominem inquantum rationalem esse risibilem, & parietem ut album esse similem. In eodem sensu accipendum est id quod ait idem S. Doctor in 2. dist. 40. qu. 1. art. 1. nempe *intiores actus voluntatis dividuntur per bonum & malum, sicut per differentias essentialias*: nam solum vult bonum & malum, fundamentaliter & radicaliter sumpta, esse differentias essentialias actus voluntarij: quamvis enim bonitas & malitia moralis formaliter sumptæ, sint accidentia actuum humanorum, ipsi tamen actus voluntarij, ut tales & ex natura sua, fundant bonitatem & malitiam; in quo differunt ab artificialibus, quæ per suam substantiam non sunt radix, ex qua resultent diverse formæ artificialia quibus differant, sed totaliter adveniunt ipsis ab extrinseco principio, & solum habent secundum suam substantiam, potentiam obedientiam respectu ipsarum: unde clavis & cultellus v. g. non distinguuntur essentialiter per esse clavem & cultellum, etiam radicaliter; sicut E

**32.** Ex his etiam facile intelliges alia D. Thomæ testimonia, quibus ait actus voluntatis esse morales, inquantum procedunt à ratione, seu deliberatione rationis: nam vel particula *inganum*, in sensu causali, non verò formaliter sumi debet: vel dicendum est, Divum Thomam non loqui de ratione præcisè proponente objectum cum indifferentia judicij, à qua actus voluntatis haber quod si liber, sed de ratione per synderism & prudentiam dictamen ordinante actum voluntatis in debitum finem, quomodo est regula moris: unde sic sumendo rationem, actus voluntatis sunt morales for-

A maliter, inquantum ab ea procedunt.

Objiciunt secundò contra eandem conclusionem. Positā in actu libertate, & præciso omni alio, actus est formaliter moralis: Ergo constituitur in esse moris per ipsam libertatem. Consequentia patet, Antecedens probatur: Tum quia positā libertate actus est regulabilis per legem; moralitas autem ut sic, in nullo alio, nisi in hac regulabilitate, potest consistere: Tum etiam qui positā libertate, ponitur principalis proprietas moralitatis in communi, quæ est imputabilitas; nam actus imputatur, vel est imputabilis, præcisè ex eo quod est sub dominio & potestate causa; est autem sub ejus domino & potestate, inquantum liber formaliter: Ergo &c.

Confirmatur: Nihil fingi potest, quod sit genericus & commune speciebus moralitatis, nempe bonitati & malitia, nisi ipsa ratio liberi, nec enim aliiquid est determinabile per bonum & malum, nisi ratio liberi: Ergo illa est genus moralitatis.

Ad objectionem respondeo, negando Antecedens. Ad cujus primam probationem, nego Minorem: moralitas enim non est ipsa regulabilitas per principia moralia, sed subjectio actualis ad hujusmodi principia, sive regulas moris; regulabilitas verò est sola capacitas ad recipiendam hujusmodi subjectiōnem, quæ capacitas eadem est, etiā nulla extaret regulam. Enimvero ita se habet, proportionaliter tamen, esse morale, sicut esse artificiale: esse autem artificiale non consistit in regulabilitate per principia artis; quia hæc regulabilitas convenit rebus ante omnem artem per suam substantiam, sed consistit in habitudine per modum actualis subjectiōnis ad regulas sive principia artis, quæ subjectio supponit prædictam capacitatē sive regulabilitatem: similiter esse morale non consistit in regulabilitate per principia moris, sed in actuali subjectiōne ad hujusmodi principia.

Ad secundam probationem Antecedentis dicendum est, imputabilitatem quantum ad esse immediate sequi ad libertatem; quia ex eo quod actus est liber, potest poni vel non poni in esse: imputabilitatem vero ad condignitatem laudis vel vituperij, quæ est proprietas moralitatis in communi, non sequi nisi ad subjectiōnem actus ad regulas morum, secundum quod est illis conformis vel disformis; nam lege deficiente, nec actus imputatur, nec punitur, quia ubi non est lex, nec prævaricatio. Unde quando dicitur, quod actus est imputabilis præcisè ex eo quod est sub dominio vel potestate causa, distinguendum est: est imputabilis quantum ad esse, concedo: quantum ad condignitatem laudis aut vituperij, nego. Vel aliter distinguui potest eadem propositio, & concedi de potestate & dominio subjecto regulis & legi, & negari de domino regulis morum non subjecto: nec enim puniatur aut præmiabitur actus dominij voluntatis, si non sit lex aut regula, juxta quam, vel contra quam faciat.

Ad confirmationem nego Antecedens: potest enim assignari aliiquid commune speciebus moralitatis, seu bonitati & malitia, scilicet respectus ad objectum, ut cadit sub ordine & regulis rationis, sive per conformitatem, sive per disformitatem: siquidem tam disformitas quam conformitas in actu, sive tam bonitas quam ma-

# DE MORALITATE IN COMMUNI.

212

litia moralis , respectum important ad objectum talibus regulis subjectum ; unde in tali respectu , à conformitate vel disformitate abstractente , & per differentias illas boni & mali moralis constitutivas contrahibili , consistit ratio generica moralitatis ; non verò in ipsa libertate , quæ solum se habet per modum radicis & fundamenti moralitatis , aut per modum materiae regulabilis , & dirigibili à regulis morum , seu potius ut conditio se tenens ex parte materiae moralis : sicut in artificialibus res externæ , ut lapides , & ligna , se habent ut materia regulabilis per artem . Quare siue in artefactis hæc tria distinguntur , scilicet materia regulabilis , regulæ artis , & forma ipsa artificiosa , quæ est per conformitatem ad hujusmodi regulas : ita in moralibus hæc tria debent distingui , nimirum regulæ morum , quæ sunt recta ratio & lex , præsertim divina ; subjectio sive ordo ad hujusmodi regulas , qui est ratio formalis constitutiva moralitatis ; & materia regulabilis , quæ nulla alia est , quā ipso actus liberi voluntatis , qui cùm sint indifferentes ut bene vel male fiant , possunt & debent subjici regulis morum , & ab ipsis dirigi & regulari .

18. Objicies tertio contra secundam conclusionem : Moralitas actuum humanorum sumitur ab aliquo extrinseco , nempe à libertate , vel à lege , aut ab objecto in quod tendunt : Ergo consistit in denominatione extrinseca , non vero in aliqua forma intrinseca .

Confirmatur : Moralitas in objectis non est aliquid intrinsecum , sed vel est ens rationis , vel extrinseca denominatio : Ergo etiam in actibus ; illi siquidem debent proportionari objectis .

Confirmatur amplius : Est morale in aliis rebus , v. g. in valore monetarum , in dominio rerum , aut pretio rerum venalium , est pura denominatio extrinseca , aut merum ens rationis : Ergo & in actibus humanis ; nulla enim potest assignari ratio discriminis .

19. Ad objectionem respondeo negando Antecedens : nam actus humani non denominantur morales immediatè à libertate , aut à lege , vel ab objecto , sed ab ordine ad objectum , ut regulis morum subjectum , qui ordo est ipsi intrinsecus , ut patet ex supra dictis .

20. Dices , ordinem illum non semper esse realem , sed interdum esse solum respectum rationis : Ergo si ab illo ordine actus humani dicuntur morales , denominatio moralis in actu humano sumeretur ab aliquo ente rationis . Consequenter patet , Antecedens probatur . Ordo realis debet esse ad terminum realem , ac realiter existens : Sed actus humani non semper dicunt ordinem ad objectum reale , & realiter existens , ut patet cùm aliquis appetit res futuras , aut impossibilis : Ergo ordo actuum humanorum ad objectum non semper est realis .

21. Respondeo negando Antecedens , Ad cuius probationem dicendum , quod licet ordo prædicamentalis requirat terminum existentem , transcendentalis tamen potest versari circa non existens , & circa non entia ; ut constat in Logica , quæ licet sit scientia realis , versatur tamen circa secundas intentiones , quæ in objectis nihil reale ponunt : item dignitates & honores , jurisdictionem , precedentiam , & alia similia realibus actibus desideramus , & ambimus , & tamen non sunt nisi denominationes rationis .

Tom. III,

A Unde patet responsio ad primam confirmationem : est enim in objecto esse morale sit ens rationis , vel extrinseca denominatio ( de quo infra ) habitudo tamen ad illud , subindeque moralitas formalis , potest & debet esse realis , & intrinseca . Neque inter actum & objectum requirit proportionem in esse rei ( habitus enim Logica , ut dicebamus , est intellectui intrinsecus & realis , & tamen ejus objectum est ens rationis ) sed sufficit proportio in ratione attingentis & attingibilis , quæ optimè salvatur , etiamsi objectum sit denominatio extrinseca , vel ens rationis , & licet habitudo ad illud terminata , sit realis & intrinseca . Pater etiam solutio ad secundam confirmationem , & disparitas inter esse morale moneta v. g. & esse morale actuum humanorum : valor enim moneta , & pretium rerum venalium , directè & immediate à voluntate vel intellectu humano sumitur ; moralitas autem actuum humanorum , licet leges divinas & humanas supponat , ab illis tamen immediate non sumitur , sed ab ordine transcendentali , quem hujusmodi actus dicunt ad objectum , ut regulis morum subjectum , qui ordo est realis , & illis intrinsecus .

B Objicies quartò : Idem numero actus sine aliqua reali mutatione potest fieri de bono malo , immo & de non morali moralis : Ergo moralitas non est aliquid reale & intrinsecum , sed ens rationis , aut extrinseca denominatio . Antecedens patet in eis carnibus , continuato à feria quinta in feriam sextam , qui sine reali mutatione , propter extrinsecam mutationem temporis , efficiuntur malus ; & in motu primo , qui si continuatur , advertente ratione , de non morali fit moralis , sicut de non libero liber . Consequenter vero probatur : tum quia esse reale non supervenit sine mutatione reali ; tum etiam exemplo dexteritas in columna , quæ dexteritas non est in ea aliquid reale , sed denominatio extrinseca , quia sine aliqua reali mutatione fit de non dextera dextra .

C D Respondeo negando Antecedens : quando enim actus mutatur de bono in malum , aut de non morali in moralem , mutatur intrinsecè in esse moris , quia rite suscipit novum modum realem , seu novum respectum ad objectum , qui ordo actibus humanis realiter inhæret , ut de relatione ad finem dicit D. Thomas hic art. 4. ad 2.

Objicies ultimò contra tertiam conclusionem : Moralitas actus consistit in habitudine ad objectum , vel ad rationem , tanquam ad mensuram : Sed habitudo mensurabilis ad mensuram est relatio prædicamentalis : Ergo moralitas actuum humanorum in relatione prædicamentali consistit .

E Respondeo concessâ Majori , distinguendo Minorem : habitudo mensurati ad mensuram est prædicamentalis , quando respicit terminum ut purè terminum , concedo Minorem : quando respicit terminum ut objectum specificativum sui , vel causativum , nego Minorem : unde cùm habitudo ad objectum , in quæ moralitas actuum humanorum consistit , non respiciat illud ut purum terminum , sed ut specificativum & causam formalem extrinsecam , non est relatio prædicamentalis , sed transcendentalis . Quod ut magis percipiatur , Advertendum est , actus humanos & morales , duplum habitudinem ad objectum regulis morum subjectum importat .

D d ij

22.

23.

24.

25.

# DISPUTATIO PRIMA

212

tare; unam transcendentalē, quā illud ut A specificativū & causam formalem extrinsecam respiciunt; aliam prædicamentalem, quæ idem objectum per modum puri termini & correlativi attingit: prima prius in objecto intelligitur, unde & fundat aliam quæ est prædicamentalis, & actū humanū in ratione moralis formaliter constituit. Sicut scientiæ duplē dicunt habitudinem ad objectum, unam transcendentalē, per quam specificantur; aliam prædicamentalem, quæ est mensurabilis ad mensuram, & ad tertium genus pertinet, ac priorem ut rationem fundandi præsupponit.

## §. III.

### Corollaria ex dictis.

26. **E**X dictis colliges primò, specificativū formale & immediatum moralitatis actuum humanorum, non esse legem, cui subjiciuntur, sed objectum in quod tendunt, ut subditum legi, & ab ea propositum.

Probatur primò: Moralitas comparatur ad actū in esse physico, ut modus & perfectio ipsius, ac proinde debet ipsi proportionari in modo specificandi, sicut ei proportionatur in modo essendi: Sed actū in esse physico specificatur ab objecto: Ergo & in esse moris; cum hoc tamen discrimine, quod in esse physico specificatur ab objecto, secundū suam naturalem bonitatem & convenientiam considerato; at in esse moris speciem desumit ab illo ut subjecto regulis morum, & ut regulato per legem ac dictamen syndesis & prudentiae ordinantis in fine. Unde D. Thomas hīc art. 8. sic ait: *Aetus omnis habet speciem ab objecto. & actus humanus quia dicitur moralis, habet speciem ab objecto relata ad principium actuum humanorum, quod est ratio.*

Probatur secundò: Actus moralis non respicit legem, nisi mediante objecto, sicut ipsa lex non aliter regulat actū, quā proponendo objectum prosequendum vel fugiendum, & licet dicet exercitum actū, totum tamen hoc est in ordine ad objectum, & per modum attingentia ipsius: Ergo id ad quod actus directè & immediate terminatur, non est lex, sed objectum ut propositum per legem.

Tertiò: Idem actus secundū speciem respicit distinctas specie leges, puta furtum, divinam, naturalem, & humanam: Ergo non specificatur in esse moris à lege. Consequentia patet: quia res specificata non potest habere majorem unitatem, quā ejus specificativū.

Denique probatur: Si actus moralis specificaretur à lege, omnes actus qui respicerent eandem legem essent eisdem speciei: Sed hoc est falsum: Ergo & illud. Major patet, Minor vero probatur: quia restitutio & retentio rei alienae, invito domino, qua differunt specie in esse moris, respiciunt eandem legem justitiae, præcipientem reddere unicuique quod suum est.

27. Dices, hoc argumentum etiam nos urgere: quia actus diversæ speciei in esse moris possunt esse circa idem objectum, sicut furtum & restitutio versantur circa rem alienam.

Respondetur actus diversæ speciei in esse moris, posse esse circa idem objectum materialiter solum, non verò formaliter; sicut possunt formaliter eandem legem respicere: unde furtum & restitutio respiciunt rem alienam sub di-

versa ratione formalis; nam restitutio respicit eam ut non retinendam invito domino, furtum ut auferendam invito domino: at verò furtum & restitutio respiciunt prædictam legem, quatenus formaliter præcipit unicuique reddi quod suum est.

Colliges secundò, moralitatem quæ in objecto actuum humanorum reperitur, & quæ obiectiva dicitur, non esse aliud quā ipfammet entitatem objecti, ut connotat legem, cui subditur tanquam regule & mensuræ ad terminandum actum.

Probatur: Eodem proportionali modo objectum habet esse morale quo voluntas, quia B principium & objectum actū moralis, sicut principium & finis, sibi correspondunt: Sed esse morale in voluntate, non est aliud, quā ejus entitas ut connotat legem, cui subditur in ordine ad suam operationem elicendam: Ergo eodem proportionali modo moralitas objecti non est aliud, quā ipsamet ejus entitas, ut connotat legem cui subditur &c.

Explicatur magis: Si voluntas consideretur secundū se, præcisa omni lege, solum intellegimus potentiam physicam, & principium actū liberū; accedente verò determinatione legis, absque alio superaddito, redditur principium proximum moralitatis, ac proinde agens morale: Ergo similiter considerando objectum, seclusus omni lege, intelligitur ut objectum physicum, terminans actū voluntarium & liberū; accedente verò lege, quā præcipitur aut prohibetur, absque alio superaddito, constitutus proximè objectum morale, connotando legem, cui subest in ordine ad terminandum actum.

Quod potest amplius confirmari: Sicut voluntas non est moralis in essendo, sed in operando solum (non enim subest legi quod voluntas sit, aut non sit, sed quod tali aut tali modo operetur, aut non operetur) ita objectum ut sic non est morale in essendo, sed in terminando; nec de eo dicta lex, in pluribus latet, an debat esse vel non esse, sed an debeat talis aut talis actus ad ipsum terminari, aut non terminari: Ergo sicut moralitas voluntatis non est aliud quā ejus entitas, ut in operando subest legi, ita moralitas objecti non erit aliud quā iphus entitas, ut subest legi terminando actum.

Quomodo verò entitas objecti, & voluntatis, quæ secundū se non est intrinsecè moralitas, possit rationem moralitatis intrinsecè habere, absque additione alicujus intrinseci, per solum connotationem extrinsecam legis, facilè intelliges, si consideres quod relatio paternitatis, quæ nato primo filio resultat in patre, eum etiam denominat patrem secundi filij, per solum extrinsecam illius connotationem. Similiter entitas materiae prime, connotando formam nondum habitat, sed possibiliter haberi, est intrinsecè appetitus desiderij; connotando verò formam præsentem, definit esse appetitus desiderij, & fit appetitus complacentie. Item species Angeli representant singulare, quando existunt, sine ulla intrinseci mutatione, hoc ipso quod ea connotant ut in actu posita. Denique actus necessarius divina voluntatis habet intrinsecè rationem actū liberū, per solum connotationem creaturarum, in aliqua determinata differentia temporis ponendarum. Horum autem omnium ratio est, quia sunt plures forme,

quæ non tribuerent aliquem effectum formam, aut denominationem etiam intrinsecam, nisi aliquid extrinsecum connotarent. Unde si quis ita arguat: Vel antecedenter ad legem est in objecto forma constitutiva moralitatis, vel advenit cum lege? Primum dici non potest; alias ante legem effectum esset morale. Si vero dicatur secundum, sequitur quod talis forma est separabilis ab objecto, atque adeo realiter distincta. Facile respondebitur, formam constitutivam moralitatis objectivam, ante legem esse in objecto, quantum ad totam realitatem quam in recto importat, non tamen ante legem illud constituere proximam morale, effectum connotati, à quo pendet hæc denominatio. Sicut licet in specie Angeli semper facit forma constitutiva representationis singularium, quantum ad totam realitatem quam dicit in recto; non est tamen praedicta representatio, nisi cum singula ria existunt, quia hujusmodi existentia est connotatum necessarium ad illam.

## ARTICVLVS II.

*Quæ sunt regule moralitatis?*

**C**VM ordo moralis dependeat à regulis moralium, & per ordinem ad has regulas bonitas & malitia moralis desumantur, explicatā actuū humanorum moralitate, consequens est ut ipsius regulas exponamus. Unde sit

## §. I.

*Dua regula moralitatis explicantur.*

**D**ico igitur, duas esse regulas moralitatis; unam remotam & extrinsecam, in mente divina existentem, scilicet legem aeternam: aliam proximam & intrinsecam, ac in homine residentem, nempe dictamen nostra rationis, secundum quod praedictam legem participat, & ei subordinatur.

Probatur primum ex D. Thoma infra qu. 71. art. 6. ubi sic ait: *Regula voluntatis humana est duplex: una propinqua & homogenea, scilicet ipsa humana ratio: alia vero est prima regula, scilicet lex aeterna, qua est quasi ratio Dei.*

Probatur secundum ratione: Sicut ordo artificialis, ejusque obliquitas & rectitudo attenduntur per comparationem ad finem particularem, quem artifex intendit, ita ordo moralis consideratur per habitudinem ad finem ultimum humanæ vitae, qui se habet ad hominem, in quantum est agens morale, sicut finis particularis ad artificem, in quantum artifex est, ut docet D. Thomas infra qu. 21. art. 2. ad 2. Cum autem solus Deus possit esse finis ultimus hominis, prima regula dirigens ipsum in talem finem, potest solum in mente divina existere: sicut quia' solus Deus est primum principium creaturarum, prima idea, per quam res in esse producuntur, non potest alibi quam in Deo existere: Sed ratio gubernationis rerum, & directionis illarum in ultimum finem, lex aeterna appellatur: ut dicit S. Doctor infra qu. 90. art. 1. Ergo lex aeterna in mente divina existens, est prima regula moralitatis actuū humanorum. Addo quod prima regula debet esse à se indefectibilis in dirigiendo & regulando, sicut primum principium est in-

A defectibile in operando: Sed nulla creatura potest habere ex se indefectibilitatem in ordine morali, sicut nulla potest esse ex se impeccabilis: Ergo prima regula hujus ordinis non potest esse aliquid creatum, sed sola ratio directionis creature rationalis in ultimum finem, in mente divina existens, quam *legem aeternam* appellamus.

Quod autem dictamen rationis nostra sit proxima regula morum, sic ostenditur: Illa est proxima regula moralitatis, quæ in virtute primæ, & tanquam ejus participatio, dirigit actus morales, sive per quam ipsa aeterna lex, & prima regula homini manifestatur, & intimatur ut adimplenda: Sed tale est rationis nostra dictamen: Ergo illud est proxima regula moralitatis actuum humanorum. Major patet, Minor probatur. Deus qui est primum dirigens in finem ultimum, dirigit res omnes conformiter ad ipsarum naturam, eis communicando vim quandom ipsarum naturæ proportionatam, quæ est quedam participatio primæ & aeternæ regulæ in ipsius mente praexistentis, & hæc participatio est ipsi proxima & immediata regula operandi. Unde in rebus corporeis virtus nihil aliud est, quam naturalis inclinatio, vel instinctus, ratione cuius indefectibiliter tendunt in suos fines;

C in creaturis vero intellectualibus participatio divinæ directionis non potest in sola inclinacione naturali consistere, quia non sunt ad unum determinatae, sed ad plura indifferentes: unde debet in illis specialiter participari per aliquid superadditum, quo ipsis denunciantur quæ per legem aeternam agenda prescribuntur, & hoc est dictamen rationis: Ergo immediata & proxima regula actuū moralium est dictamen rationis, ut participat legem aeternam in mente divina praexistentem. Illud autem non debet esse solum actus syndesis dictans in communi quid sit faciendum, vel fugiendum, sed etiam actus prudentia dictantis in particulari quid sit agendum: quia cum operationes morales sint in singularibus, & ex singularibus circumstantiis dependent, cognitio universalis, etiam si sit practica, nequit in eas influere, aut eas regulare, nisi ut applicata per dictamen particolare hic & nunc: sicut in speculativis principiis universalibus, etiam si sint vera & necessaria, non inferunt veram & necessariam conclusionem, nisi applicata secundum legitimam formam per rectam illuminationem.

Dices: Naturalis ratio non dictat nisi quæ sunt de lege naturæ: Atqui dantur plures actus morales, qui non spectant ad legem naturæ, sed ad positivam, divinam, vel humanam: Ergo dictamen naturale rationis, non est sufficiens regula proxima moralitatis.

E Respondeo distinguendo Majorem: non dictat directè & primariò, transeat: non dictat secundariò & ex consequenti, negatur. Nam cum ratio & lex naturalis dictat parendum esse cuiilibet legitimè præcipienti, eo ipso quod quilibet alia lex, sive humana, sive divina, aliquid præcipiat vel prohibeat, ipsa naturalis ratio consequenter dictat illud esse faciendum, vel fugiendum. Addo quod, quando dicitur dictamen rationis nostra esse proximam regulam morum, hoc non est intelligendum de ratione nostra nudè sumpta, & solo lumine naturali illustrata, sed de ratione ut informata præceptis legis divinæ, vel naturaliter, vel per doctrinam, vel per infusionem, inquit S. Thomas qu. 2. de malo art. 4.

Dd iii